

影印
文淵閣

四庫全書

影印

文淵閣四庫全書

第一二八七冊

北京出版集團公司
北京出版社

本冊目次

宗子相集

明宗臣撰……………一

衡廬精舍藏稿

明胡直撰……………一二五

衡廬續稿

欽定四庫全書

集部

宗子相集卷一至四

詳校官監察御史臣陳化龍

侍讀臣孫球覆勘

總校官原任中允臣王燕緒

校對官編修臣閔懋大

謄錄監生臣楊仁基

欽定四庫全書

集部六

宗子相集

別集類五明

提要

臣等謹案宗子相集十五卷明宗臣撰臣字

子相揚州興化人嘉靖庚戌進士除刑部主

事移吏部文選司進稽勲司員外郎以賻楊

繼盛忤嚴嵩出為福建叅議遷提學副使卒

於官年僅三十有六明史文苑傳附載李攀

欽定四庫全書

宗子相集
提要

龍傳中蓋攀龍徐中行吳國倫梁有譽及臣

有五子之稱也朱彝尊明詩綜稱臣所著有

方城集而此本實題宗子相集其卷目與明

史藝文志相合王世貞志臣墓稱其寢瘵疾

亟門人稍次生平著述凡十餘卷梓之則其

集乃臣未歿時所訂定也臣常與吳國倫論

詩不勝歸而精思累日月卒能卓然成家為

嘉靖七子之一其詩跌宕俊逸頗能取法青

蓮而意境未深間傷淺俗靜志居詩話謂使

其遇王李充之不難與昌穀蘇門伯仲自入

七子之社漸染習氣日以窘弱最可惋惜所

言誠切中其病然天才婉秀吐屬風流究無

剽剽填砌之習本質未盡滿也惟竹間諸篇

體近纖仄未免汨沒于時趨耳至其西門西

征諸記指陳時弊反覆詳明蓋臣官閨中時

禦倭具有方略故言之親切如是又不以文字

欽定四庫全書

四

宗子相集
提要

論矣乾隆四十三年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

宗子相集卷一

明宗臣撰

賦

釣臺賦

有序

余聞嚴子釣臺舊矣丁巳秋余以叅藩赴閩
取道兩越始登厥臺裴回焉商飈西來萬山
颯搖我心傷悲爰申厥詞把酒放歌白雲蒼
互豈君之聞歌而來哉

欽定四庫全書

宗子相集
卷一

恭承帝命以南邁兮弭吾節於富春儵微霜之隕百草
兮何芳杜猶菲菲其襲人睇嚴陵之舊里兮釣臺鬱而
嶙峋屯飄風其相薄兮吹石瀨之磷磷宿莽搖落而變衰
兮余又安得問夫白蘋余將懷椒糈而瞰臆兮蹇吾馬
之逡巡而不前豈以沉淪之俗羈兮乃不得以揖高士
而執鞭唯炎德之中天而興兮紛衆芳之雜糅以比肩
何佳人之夸姣以抗行兮乃獨抱孤貞而自全袞冕黼
黻之玄以章兮蓀獨愛夫羊裘茲鴻鵠之高翔兮聊寄

吾跡於汀洲昔傅岩之坂築兮武丁肖形以資厥猷非
熊之協帝夢兮渭叟起而佐周何帝之手詔以忤懷兮
羌獨偃蹇而夷猶故人之不忘舊懽兮情恍惚而至乎
帝庭何帝腹速以足加兮太史奏之客星咄咄于陵之
不肯為理兮帝何獨惜夫沈冥孫何高蹈而不顧兮乃
長揖以謝夫天子朝發軔於漢宮兮夕稅駕於江汜有
君如此其忍負兮孫豈亡覩于厥旨痛韓彭之竟以烹
醢兮勃何辜而卒不免乎美里念盛名奇績之不可以

欽定四庫全書

卷一 宗子相集

二

善終兮是用忍情而惜此蘭芷鳳凰之回翔而不肯下
兮豈網羅之所能施使蛟龍可得而常服兮又何以卑
牛馬而下之睇江河之趨下兮喟高風日逝而不可追
撫故迹而連蜷兮悵吾生之獨後時往者既已不可復
兮冀來者之猶可為委余珮之陸離兮掛吾冠於南斗
之墟擘長虹以為衣兮拾青霞以為珺托微誠於浮雲
兮搴其攬瑤華而遲予望美人而不見兮羌獨立以踟
躕亂曰維江有蘭美人植兮白雲茫茫歸何晏兮平楚

落日怨青楓兮歸來乎山中吾與汝嬉以遊兮

嘆逝賦 代作

嗟天命之浩蕩兮總萬品而為型唯一烝以回薄兮慨
靈畢之不可以計停睨衆卉之峻茂兮芳草紛而獨馨
何微霜之未隕兮而馨溢其先零君煜煜其少揚兮握
赤珠而馳騫朝飲馬于文苑兮夕弭節於玄圃既謁帝
之閭闔兮儼天門而廣步振瓊英之雜佩兮散瑤華於
中路奄分符以南邁兮宰蒼生於東越遵召杜之遺則

欽定四庫全書

卷一 宗子相集

三

兮民蒸蒸其無艱鴻碩鬱其上聞兮爰降命于北闕司
寇之典邦禁兮惟女庶幾其慎罰何君之蹇蹇以高厲
兮捐鳴佩於上宮返初服之江蘿兮尋舊侶之桂叢志
士不能忘君兮念國事之倥傯羌重入乎承明兮陪謨
謀之從容錯帝章之璀璨兮統神人而旁達爰申命于
金馬兮日垂紳于紫闥儼夔龍於天上兮攬芙蓉於木
末艷球琳之可拾兮紛組纓之可擬富貴之易以濫情
兮君獨守乎故常奉星辰之宸華兮依日月之隆光當

青鬢之盛年兮奄乘雲以歸帝鄉悲回風之搖落兮攬木葉而霑裳豈厭世之溷薄兮乃投情於幽渚將逐吳雲以南征兮或戀燕都而北止或上而獨駕乎玄螭兮將下而隨流乎赤鯉幽明聚散之永隔兮余誠不知其故今名之兼壽考兮自古以為難期回憲之不得永齡兮千祀之所共悲余獨惜此芳草兮乃不得與衆卉而共萎陳一詞以托浮雲兮聊寄余之遙思

欽定四庫全書

宗子相集卷二

明 宗臣 撰

古調歌

池上歌二首寄諸子

芙蓉搖落兮驚素秋簫鼓殷殷兮泛中流瞻彼滄洲兮狎白鷗美人不見兮使我愁安得與美人相逢兮採萱草以忘憂

葦葭蒼蒼兮露為霜秋風颯颯兮明月光四顧天地兮

何微茫美人不見兮使心傷安得與美人相將兮折桂枝而徜徉

昔君別

昔君別我兮春草萋萋今我思君兮秋雨霏霏春秋既已改序兮君胡為兮不歸昔君別我兮江月陰陰今我思君兮海日深深日月忽其不停兮君胡為兮無音

今夕歌

今夕何夕兮星稀月明今夕何夕兮得與美人同行蟋

蟀在床兮淒淒則鳴江水浩蕩兮泠泠其聲何接美人之慙慙兮乃使我惆悵而愴情

今夕何夕兮露下庭荷今夕何夕兮得與美人同歌山有木兮木有柯水有鳥兮鳥有羅何接美人之慷慨兮乃使我泪下而滂沱

今夕何夕兮日居月諸今夕何夕兮得與美人同車前有溪兮溪有魚後有園兮園有蔬何接美人之珮環兮乃使我氣結而歔歔

欽定四庫全書

宋子相集
卷二

今夕何夕兮飛鳥鳴禽今夕何夕兮得與美人同斟奉清醴兮彈素琴薦上珍兮揚華音何接美人之周旋兮乃使我情結而霑襟

招隱詞

歸來乎山中他鄉莫久滯君莫慮無衣山中有蘿薜

解

歸來乎山中他鄉莫久繫君豈慮無舟山中有蘭桂

解

歸來乎山中他鄉莫久延君豈慮無飲山中有甘泉

解

歸來乎山中他鄉莫久羈君豈慮無殮山中有紫芝

解

昔思君

昔君與我兮同心結髮今君與我兮參商胡越昔君與我兮鴛鴦同池今君與我兮南北異枝昔君與我兮月明星燦今君與我兮風流雨散

欽定四庫全書

宋子相集
卷二

送將歸

客子遠役兮駟馬馳駕言長往兮適郊圻念我同心兮悵有違送君河橋兮牽君衣問君去兮何時歸恨無羽翼兮同君飛歲暮不歸兮當誰依

白頭吟

君從何處來遺我明珠明珠亦何為可以照光儀光儀君不顧照之令心悲

解

君從何處來遺我綠綺琴琴聲亦何為可以揚芳音芳

音君不聽彈之傷我心 二解

君從何處來遺我紫鸞笙鸞笙亦何為可以揚清聲清聲君不聆吹之感我情 三解

車遙遙篇

車遙遙兮馬駸駸送君行兮河之陰望而不見兮傷我心
車遙遙兮馬蕭蕭送君行兮河之橋望而不見兮俾
魂消車遙遙兮馬翩翩送君行兮山之巔望而不見兮
涕留連車遙遙兮馬駸駸送君行兮江之磯望而不見
欽定四庫全書 宗子相集 卷二 四

兮泪沾衣

萱草詞四章為伊母夫人賦

萱草離離兮山之陽朱為衣兮青為裳嗟彼秋風兮起
大荒俾其花日飄泊而不可見兮何以慰此心之彷徨

其二

萱草菲菲兮山之曲曳紫霞兮綴紅玉嗟彼秋風兮振
庭綠俾其葉日凋零而不可尋兮何以慰此心之躑躅

其三

萱草芬芬兮山之側對芳芷兮遠叢棘嗟彼秋風兮還
以仆俾其枝日偃蹇而不可起兮何以慰此心之嘆息

其四

萱草萋萋兮山之隅雜玄芝兮間綠蕪嗟彼秋風兮遽
以枯俾其根日蕭索而不可保兮何以慰此心之踟躕

欽定四庫全書

宗子相集 卷二

五

宗子相集卷二

欽定四庫全書

宗子相集卷三

明 宗臣 撰

古樂府

雉子斑

雉子斑斑乃游水湍朝游水北暮游水南五色其羽文
何翩翩嗟彼王孫來游江干須臾盼之忽焉見殘雉子
向言有鳥在天爾胡我殘有鴻在沼爾胡我殃嗟雉子
爾無言爾懼我殘爾懼我殃誰令爾斑

欽定四庫全書

宗子相集
卷三

君馬黃

君馬黃臣馬青二馬並進臣馬停臣馬停君馬行飛塵
走電過龍庭一鞭遑騎驚再鞭遑塵平錦泥玉障垂
名吁嗟乎荆棘滿山山路黑君王未可馳八極

戰城南

戰城南望城北城北陣雲紅城南陣雲黑生當封侯死
當廟食一戰天門青再戰天門赤揮金戈擁雕戟馬走
輶人失魄百萬熊羆一時仆歸來麟閣名觀者坐太息

戰城南望城北

上陵

上陵何所見但見栢與松栢枝一何盛松枝一何青白
楊在其上秋風蕭蕭鳴金為闕王為楹石為馬銅為龍
重泉一以閉萬古不可磷悟彼泉下仙喟然動中情今
日樂且樂延年萬壽春

巫山高

巫山高上摩千層之青天天下渺萬丈巫峽之重淵雲胡
為哉生其巔朝飛去暮來旋登山步雲令人神飛白日
可摩玄龍可騎下視浮世千萬里蒼茫浩蕩空煙水

丹鷺

丹鷺丹鷺不在天不在渚飛君堂為君鼓倡君歌起君
舞玉戟升朱矛舉燕明堂耀神兵享有道征不庭棲鳳
羽布龍城一人慶四海寧

有所思

有所思乃在大海南海路一何長海水一何寒迢遙千

欽定四庫全書

宗子相集
卷三

萬里上有蓬萊山山中有真人顏色如渥丹青霞為君
衣紫霞為君餐桂枝夾道旁上長青琅玕羣仙三五人
游戲青雲端赤螭為前驅蒼龍護其闕月下散瑤步玉
聲何珊珊我欲往從之道路阻且難中心悵有違慷慨
起長嘆

思悲翁

思悲翁悲何極朝相思暮相憶今者華昔者黑白日難
東黃河難北思悲翁悲何極

欽定四庫全書

宗子相集
卷三

臨高臺

臨高臺高臺何崔嵬南望羅浮東望蓬萊恒岳與泰華
颯颯雄風來一顧青雲飛再顧白日摧三顧天門忽以
開仙人三五輩冉冉霓宮迴仙人向我言君胡來君胡
來

聖人出

聖人出應昌期龍來游鳳來儀天地並日月齊統六合
化九夷產朱草芬玄芝延年壽萬歲期寄謝許由與巢

父及今不出待何時

艾如張

艾如張張而羅羅在山鳥則罹之羅在地鴻則罹之翩
翩者鳳萬里一去千年來過艾如張張而羅奈此鳳者
何

上之回

上之回駕雲車格皇心隆帝圖上之回來甘泉仁聖德
萬邦傳上之回臨三關走九夷服八蠻上之回歸明光

欽定四庫全書

宗子相集
卷三

千萬年樂無疆

長歌行二首

秋風蕭索百草斑黃沙飄颻青海灣良人昔從征西班
一去十載不知還驚飈傳檄雲霄間遑塵渺浩難重攀
昨日寄我雙玉環萬里相將道路艱我欲為君整雙鬟空
閨顛顛摧朱顏心如車輪不暫閒不覺涕淚衣編爛征
人一一歸故山爾獨何辜阻玉關

秋山搖落秋夜長皋蘭寂寞被凝霜中夜起視明月光

蟋蟀鳴我房良人遠遊在他方道路一望阻且長
聞君有期歸故鄉為君旭日修新粧鏘鏘珮環曳鳴璫
盈盈移步來中堂望君不見心彷徨不覺淚下霑衣裳
忽見雲間雙鳳凰長天萬里同飛翔安得羽翼同頡頏
延頸悲鳴到君傍

出塞曲

壯士懷慷慨高義貫長虹甘心報國讐自矢忘厥躬遠
望邊塵起萬里揚悲風拔劍出門去驅馳遠從戎昔為
欽定四庫全書
宗子相集
卷三
五
千人英今為萬夫雄單于來接戰殺氣衝蒼穹黃塵不
可見白日忽以蒙一戰雁塞清再戰龍庭空歸來報天
子獻捷甘泉宮

長相思

涼颼起高閣凝露被華滋庭前有玉樹冉冉寒風吹搖
落愴中懷芬芳難獨持嗟彼陰陽速嘆此顏英衰攬衣
起太息惆悵令心悲君心妾不見妾心君詎知尺書不
我將何以慰別離俯視清川流仰視白日馳願隨白日

景照君見光儀

孤鳳篇

紫庭有丹鳳羽翮何翩翩朝游華山雲暮宿蒼梧烟一
朝失其凰嗟哉相棄捐彷徨四海求何當待來旋采采
琅玕實顧影徒遷延豈無鴻鵠羣而非情所憐悲鳴入
赤霄翱翔不計年千載覽德輝來儀聖明前

鳳笙曲

翠管參差明月弄高臺忽起雙飛鳳彩雲縹緲華山洞
華山洞華山磯朝同出暮同歸
欽定四庫全書
宗子相集
卷三
六

江南曲

碧草萋萋籠紫烟蘭橈桂楫清江邊吳歌越吹太可憐
太可憐復可妬飄深紅曳輕素

龍笛曲

高樓縹緲流玉音梅花零落寒江深江中隱隱雙龍吟
雙龍吟吟未已朝霞紅暮霞紫

採蓮曲

紅粧翠袖歌採蓮三三兩兩鬪嬋娟欲行不行落金鈿
落金鈿垂玉指發青蘋照綠水

採菱曲

湖上菱花落復開蘭舟桂楫去復來妖童艷女行相催
行相催不可住羅衣寒碧水暮

遊女曲

翠鬟玉珮遊春風百花拂袖來湖東朱顏灼灼驚飛鴻
驚飛鴻耀明月人不見心如結

欽定四庫全書

宗子相集
卷三

七

朝雲曲

朱雲縹緲來神霄人間天上俱迢遙欲來不來巫山高
巫山高高無極夢相見晝相憶

趙瑟曲

邯鄲美女顏似玉翠袖朱絃理新曲寒月泠泠江水綠
江水綠江雲停誰為此湘妃靈

秦箏曲

翩翩羅襪明珠光抱得秦聲上高堂調絃促柱移清商

移清商翻翠袖滿滿斟曲曲奏

陽春曲

春華燦灼春月明朱唇玉頰揚哀聲淒淒切切動君情
動君情得君悅流青雲飛白雪

關山月

良人一別妾長劒遠從戎涕淚青樓裏音書紫塞東關
河秋色動機杼月華空亦有寒衣在年年望北鴻

出塞

青海傳烽燧黃沙入鼓鼙單于屯塞北大將出遼西落
日胡笳慘悲風漢馬迷燕然有奇石勒筆待君題

寄遠曲

秦塞君投筆章臺妾倚欄雁書何寂寞龍劍有艱難烽
燧春華暮琵琶曉淚寒自知容色落不忍對花看

其二

青海風煙迴黃沙信息稀徘徊空夜月顚顚任春衣漢
將頻營壘邊兵未解圍近來常涕淚不獨為郎揮

欽定四庫全書

宗子相集
卷三

八

自君之出矣

自君之出矣消息阻風煙桂嶺花頻落榆關月自圓

其二

自君之出矣幾度寄春衣春色年年老良人歸不歸

江南曲四首

瑟瑟江上風密密山前雨風雨莫少停留得郎舟住

其二

春江君自去春閨儂自愁儂心似江水日夜伴郎舟

欽定四庫全書

宗子相集
卷三

九

其三

綠窓春鳥聲思君淚如雨人來淚不收却道思家苦

其四

歡比堤上絮如泥亦如雪儂比鏡中花可見不可折

寄衣曲

征人夜度遼寒衣今去洛妾恐如寒衣春來不堪著

採蓮曲

蓮花比妾貌妾貌花不如蓮子比妾心妾心應更苦

相逢行

昔與汝相逢今與汝相別相逢萬山雲相別千山雪

清夜曲

明月期故人相對坐清夜濯纓綠水前散髮青松下

梅雪曲

山上雪如梅山下梅如雪寂寞對空山幽香共誰折

月下曲

月下吹紫簫雲間整玉珮顧見鴛鴦鳥一一自成對

欽定四庫全書

宗子相集
卷三

十

水中月四首

嫦娥三五月玉露千萬秋人居天上苦暫向水中遊

其二

孌孌青山雲湛湛清江水中天落玉鈞魚龍驚不止

其三

雲歛波還淨雲開影自隨綠萍與青荇相傍桂花枝

其四

南山亦有羅北山亦有羅玉兔滄波裏羅兮奈爾何

採蓮曲

採蓮莫採蓮，蓮絲難吐。採蓮莫採子，蓮子心中苦。

江上曲

青波遠泛舟，碧石朝逢雨。不見江上人，惟見江上樹。

長相思

昔與汝相思，今與汝相見。相見已秋鴻，相思又春燕。

江南弄

簾櫳上夜珠，闌干倚寒玉。客子在天涯，相思春草綠。

欽定四庫全書

宋子相集
卷三

十三

江南曲

客去悲江左，書來滯隴西。相思若春草，無路不萋萋。

春閨曲

華枕為誰施，華衾為誰卷。妾腸非道路，日夜車輪轉。

楚陽曲

官府一開倉，含情向兒女。公者猶可遲，私者不可已。
東村有客到，相留問烹雞。婦言且莫烹，租吏到河西。
昨者娶新婦，布裙止兩褶。租吏呼典衣，婦在窓前泣。

賣花曲

長安買花者，數株千萬錢。道傍有饑者，一錢不相捐。

子夜吳歌九解，贈李順德子鱗。

于鱗上計上，都余以職事直省中。凡再易朔，不得通一語，輒為之賦。時命侍子歌之以通其恨，恨焉。

出門望所歡，零雪忽盈尺。豈曰沾吾衣，畏此雪上跡。

解

欽定四庫全書

宋子相集
卷三

十三

與君生別離，三年參與商。誰謂三年久，不如茲夜長。

解

夜半倚梧桐，明月何歷歷。梧子在其上，可見不可摘。

解

芳草五驛，韶韶朝元者，不分黃金鞭。出入依君馬。

解

自幼能採蓮，蘭楫蕩前渚。如何蓮子心，于今更覺苦。

解

聞君有瑤琴來自崑崙域雖未聽其聲時時白雲色六

解

玉樹抽新條炎炎困赤土日望天上雲不得階前雨七

解

自與君相別剪刀日夜利君有雲錦裳吾當為君製八

解

手中珊瑚枝光華掩白日恐君一見之疑作君家物九

解

欽定四庫全書

宗子相集
卷三

十三

欽定四庫全書

宗子相集卷四

明 宗臣 撰

五言選詩

省中

鳴珮下紫霄巖巖府中趨冠蓋燦以繁羣吏肅前隅晨風振遠楹宿鳥鳴高梧起步忽不愜嘆此中懷孤揚雄草太玄相如奏子虛執戟亦云晚遊梁意何迂西京有七貴黃金步天衢朝懽決車馬夕燕紛笙芋富貴詎可常為樂亦須更嗟彼榮華觀耽此寂寞塗取舍一何戾志各有所須烈士多苦心斯言良不誣

秋夜省直

驅馬叩高扁秉燭照清池冉冉見芙蓉白露被華滋仰見明月光三星燦以垂蟋蟀鳴重階繁聲一何悲感之長嘆息嗟此陰陽移鹿鳴思野草宿鳥懷故枝人生貴適志羈栖亦何為行行返舊服去去清江湄此意良未申空令達士嗤

宗子相集卷三

雜詩二首

結髮事明主忠義諒獨持出門遠眺望荆棘生路歧路
岐阻且深惆悵何所之中心既不回艱危何足辭不暇
恤其躬安能顧所私譬彼東流川九折常如茲昔為志
士摸今為壯士規寸心明白日比德于園葵

其二

灼灼園中葵結根高樹林綠葉蕤紫芬芳華人所欽白
日豈不照高林蔽其陰中懷抱赤素誰為見予心予心

欽定四庫全書

宗子相集
卷四

何足惜惜此日西顏白日如可待高林有時摧

擬古二首

冉冉江上蘭燦燦江中芷我友遠行役駕言適江汜江
汜波浪深嘆息從中起昔別春卉敷今思暮飈紫遊子
不旋歸浮雲日千里

其二

驅車事行游巖畔見芳草芳草綠以萋採之遺所好徘徊
歲云晏悠然傷我抱不畏芳草歇畏此關山道關山

阻且長客子行將老

歲暮

歲事聿已暮百卉何摧殘驅車臨長河悲飈激飛湍欲
濟無方舟行路一何難陶潛恥折腰貢禹彈其冠出處
各有性焉能違所安不見殫霞子飄飄青雲端

五子詩

謝山人榛

謝生隱者流偃蹇來京國朝遊燕山東暮遊燕山北悲

欽定四庫全書

宗子相集
卷四

歌慨以慷驚飈奮孤翼興詞日百篇一一作者則嗟彼
雕蟲子不得施顏色韋褐以掩形藜藿不充食榮華煜
人世匪其心所惑盧生罹世網掾之一何力卒能脫其
患言者長嘆息非君策高踪斯義久荆棘

李郎中攀龍

大雅久寂寥作者徒縱橫之子起海嶽吾道維其盟中
心寡所諧長揖謝羣英眷言二三子斗酒懽相迎冥思
何可測奇語頻自驚仰並雲霞翔俯與江河傾高冥墜